

21 октябрь – Ўзбек тили байрами кун



# ЖАМИЯТ

№ 41 (718)  
2020 йил  
16 октябрь,  
Жума

Ижтимоий-сиёсий газета



20

п этила бошлаган



www.bong.uz



jamiyatgzt@mail.ru



## Иқтисод соҳасига тил қондалари керакми?

Эътирофга муносиб устозлар

“Мен таржимон бўламан!”

“...Сўзингга қараб кузатарлар!”

Муддат бузишда “чемпион” ташкилот

Давлат тилида иш юритиш — давр талаби

Қиз бола иккинчи даражали фарзандми?



ҚИСКА САТРАЛДАРДА ҲИКИМАТ!

Ўзбекистон ўз тарихида илк бор БМТ Инсон ҳуқуқлари бўйича кенгаши аъзоси этиб сайланди.





**МАЪРИФАТПАРВАР АЛИХОНТЎРА СОҒУНИЙ ЎЗИНИНГ “ТУРКИСТОН ҚАЙҒУСИ” КИТОБИДА ШУНДАЙ ЁЗГАН ЭДИ: “ОДАМ ЎЗЛИГИНИ УНУТМАСЛИГИ УЧУН УЧ НАРСАНИ ҚЎЛДАН БОЙ БЕРМАСЛИГИ КЕРАК: ВАТАНИНИ, ДИНИНИ ВА ТИЛИНИ. ВАТАНИМИЗНИ БОЙ БЕРДИК. ДИНИМИЗНИ ҲАМ ЙЎҚОТДИК. ЭНДИ ТИЛИМИЗНИ ҲАМ УНУТСАК, БИЗ КИМ БЎЛАМИЗ?” БУ СЎЗЛАР АЙНИ ҲАҚИҚАТ ЭДИ.**

## “Зулм ўтса, фақат сендан ўтди зулм...”

Собиқ Иттифоқ даврида муқаддас тилимиз қоғозда бўлса-да, амалда йўқ эди. Биз кўп йиллар буюк аждодларимиз мулоқот қилган, оламшумул тарихий асарлар яратган тилимиздан мосуво яшадик. Дилимиздагини тилимизда айта олмадик. Мазлумлар тилида гапиришга, қўшиқ куйлашга, ҳатто, “менинг икки онам бор...” деб ҳайқиришга мажбур бўлдик. Шоир Муҳаммад Юсуф ёзганидек:

*Кимдир майда миллат бўлди,  
кимдир катта,  
Катта миллат Афандиси  
йўқдир ҳатто,  
Биз пиёда, биз боққанлар  
юрди отда,  
Зулм ўтса, фақат сендан  
ўтди зулм,  
Она тилим, кечир мени,  
она тилим.*

1989 йил 21 октябрь. Бу қутлуғ сана Ўзбекистон тарихига, ўзбек миллати йилнома-сига зарҳал ҳарфлар билан битилди. “Давлат тили ҳақида”ги Қонун қабул қилинди. Мустабид тузум даврида бундай қонуннинг қабул қилиниши чиндан ҳам жасорат эди, ўзига хос маънавий инқилоб эди. Аждодларимиз асрлар бўйи орзу қилган, аммо орзулари саробга айланиб қолган даврларда момақалдирокдек гулдираб, чақмоқ чақиб, юзага келди бу қонун. У Мустақиллигимиз сари қўйилган энг дадил қадам бўлгани билан ҳам катта аҳамиятга эга.

Лекин ушбу ҳужжат қабул қилинганига 30 йил бўлса ҳам, ҳамон кўп жойларда русча ёзувлар ҳукмрон. Айниқса, Соғлиқни сақлаш, Темир йўл, “Ўзбекистон ҳаво йўллари”, ҳарбий хизмат, ҳуқуқ-тартибот тизимидаги кўпгина иш жараёнлари рус тилида олиб борилмоқда. Гоҳида юқори бошқарув органлари, вазирликлардан келаётган хатлар ҳам рус тилида битилмоқда. Биз ўзга тил исканжасидан қутула олмаяпмиз, бу жараён жуда қийин кечмоқда.

Биз бошқа тилларни ҳеч камситмаган ҳолда, она тилимизни эъзозлашимиз, мукамал билишимиз керак. Ҳеч бир тил бизнинг мамлакатда давлат тили ўрнига ишлатилмаслиги, ҳукмрон бўлмаслиги шарт.

Бир воқеани яхши эсламан. Ўтган асрнинг 80 йиллари охири. Биз, бир гуруҳ ёш ўзбек сайёҳлари қадимий Мисрга бордик. Оламга машҳур

Қоҳира шаҳри ва унинг дунёда тенги йўқ экспонатларга бой музейлари, Жиза водийсидаги одамзодни ҳайратга соладиган ҳайбатли Хеопс, Хафрен ва Меккирен эҳромларини, папирос қоғозига ёзилган қадимий ёзувларни кўриб, бу ёруғ олам тамаддуни шу заминдан бошланганига яна бир бор ишонч ҳосил қилгандик. Бу халқ қадимдан не-не босқинларни бошидан кечирган бўлса-да, ўз тилини йўқотгани йўқ.

Буюк саркарда Александр Македонский шарафига аталган Искандария шаҳрида бўлиб, бу ердаги осори-атиқаларни кўздан кечирганимизда, бизни бир аёл таъқиб қилиб юрганини сездик. Бир неча соат давомида у бизнинг ёнимиздан узоқлашмади. Томошадан бироз бўшаганимиздан кейин ёнимизга келишга журъат этди.

У салом бериб, кўзда ёш билан дав-

евнинг қўшиқларини эшитиб завқланаман. Сизлар билан учрашиб, ўзимни Ўзбекистонда, она юртим Марғилонда юргандек ҳис қилдим. Тилимиз қандай бебаҳо, Ўзбекистонда яшаб, унинг қадрига унчалик етолмайсиз. Хорижда яшасангиз она тилингизнинг қадрини жуда яхши биласиз, уни соғиниб, янада ардоқлагингиз келади.

Бу сўзларга изоҳ шарт эмас. Нафақат миллатимиз вакиллари, балки ўзбек тилини ўрганиб, тарғиб қилаётган юзлаб хорижликларни кўриб, ўзимизда масъулият ҳиссини сезамиз.

Америкада яшаётган ватандошимиз Беҳзод Мамадиев шундай ёзади: “Америка маданиятини севадиган, ўзим ҳам ўзлаштиришга ҳаракат қиладиган ижобий жиҳатлар жуда кўп. Уларга ҳурматим чексиз. Лекин мен ўзбекман, мусулмонман. Ўзимга хос бўлган маданиятим бор, дунёга қарашим бор. Бу масалаларда мен америкаликлардан фарқлиман. Фарзандларим ҳам мен қадрлаган нарсаларни қадрлашни хоҳлайман. Фарзандларимизни кичиклигидан ўз она тилини қадрлашга, уни мукамал билишга ўргатишимиз керак. Улар ўз тили ва буюк авлодларининг ворислари эканлиги билан фахрлансинлар”.

Бундан олти йил муқаддам, 2013 йил 21 октябрда АҚШда нашр қилинаётган илк ўзбек тилидаги “Ватандош” газетасида Эркин Воҳидов Давлат тили қабул қилинган кун муносабати билан чоп этилган “Тирик ҳазина ёхуд жаҳонгашта сўз” мақоласида куйидагиларни таъкидлаган эди: “Мен ҳам она тилимизнинг Ҳазрат Навоий замонидики кўрки, бўй-бастига қараб, ҳавас қиламан. Қани эди, буюк шоирнинг сўз бойлиги шу кунда ҳам тўлиғича тасарруфимизда истеъфода бўлса, дея орзулар қиламан.

...Ҳеч бир инсон “мен тилшунос ёки ёзувчи эмасман”, деб ўзни четга олмаслиги керак. Ганж соҳиблари ҳам, посбонлари ҳам – барчамиз. Она тилимиз меҳри ва ғурури кўнгилларга илҳом, тоғларни талқон қилгудек куч-қувват бағишласа ажаб эмас”.

Устоз шоиримиз орзу қилган кунларга етиб келаётгандаймиз. Зеро, мамлакатимиз Президенти Шавкат Мирзиёевнинг “Ўзбекистон Республикасининг “Давлат тили ҳақида”ги Қонуни қабул қилинганининг ўттиз йиллигини кенг нишонлаш тўғрисида”ги қарорида алоҳида таъкидланганидек: “Дунёдаги қадимий

ва бой тиллардан бири бўлган ўзбек тили халқимиз учун миллий ўзлик ва мустақил давлатчилик тимсоли, бебаҳо маънавий бойлик, мамлакатимизнинг ижтимоий-сиёсий, маънавий-маърифий тараққиётида ғоят муҳим ўрин эгаллаб келаётган буюк қадриятдир”.

**Лутфия ШАПААТОВА,**  
Экология ва атроф-муҳитни муҳофаза қилиш соҳасидаги ходимларни қайта тайёрлаш ва уларнинг малакасини ошириш маркази давлат тили бўйича маслаҳатчиси

## Давлат тилида

**иш юритиш — давр талаби**



**Мамлакатимизда ўзбек тилининг давлат тили сифатидаги нуфузи ва мавқеини тубдан ошириш, она тилимизнинг кадр-қимматини жойига қўйиш борасида тарихий ишлар амалга оширилмоқда. Айниқса, Юртбошимизнинг Бирлашган Миллатлар Ташкилоти Бош Ассамблеясининг 75 сессиясида ўзбек тилида сўзлаган нутқи бу борадаги саъй-ҳаракатларга кенг йўл очиб, ўзбек тилининг нафақат республикамиздаги, балки жаҳондаги нуфузини ҳам янада мустақамлади.**

Яқинда Ўзбекистон Республикаси Фавқулодда вазиятлар вазирлиги Академиясида Ўзбек тили байрами кунига бағишланган “Она тилим — жону дилим” мавзусида маънавий-маърифий тадбир ўтказилди.

Унда таниқли шоирлар, тилшунос олимлар академиянинг профессор-ўқитувчилари ва талабалар иштирок этди. Учрашувда таниқли шоирлар она тилимизнинг ўзига хослиги, бугунги кунда давлат тилининг нуфузи ва мақомини ошириш борасидаги ислохотларга тўхталиб, Ватаннинг ҳар бир фарзанди ўз она тилини севиши, унинг кадр-қимматини жойига қўйишда фаол иштирок этиши зарурлигини таъкидлади.

Фавқулодда вазиятлар вазири маслаҳатчиси Баҳодир Валиев ўз сўзида ҳозирда Ўзбекистон Республикаси Вазирлар Маҳкамасининг Давлат тилини ривожлантириш департаменти ва унинг жойлардаги вакиллари, яъни вазирлик, идораларда фаолият юритаётган давлат тили масалалари бўйича маслаҳатчилар томонидан идораларда давлат тилини ривожлантириш, давлат тилида иш юритишни ташкил қилиш ишларининг изчил давом эттирилаётганини айтиб ўтди. Шу билан бирга Департамент ва ҳамкор муассаса, ташкилотлар томонидан нашрдан чиқарилган “Давлат тилида иш юритиш” китобини барчага тавсия қилди.

Тадбир сўнгида курсантлар ҳам сўз олиб, эл ардоғидаги шоирларнинг ижод намуналаридан ёд айтдилар, ўзларини қизиқтирган саволларига атрофлича жавоблар олдилар.


**Фарҳоджон ХОЖАЕВ,**  
Ўзбекистон Республикаси Фавқулодда вазиятлар вазирлиги Академияси ўқитувчиси, капитан

**Биз бошқа тилларни ҳеч камситмаган ҳолда, она тилимизни эъзозлашимиз, мукамал билишимиз керак. Ҳеч бир тил бизнинг мамлакатда давлат тили ўрнига ишлатилмаслиги, ҳукмрон бўлмаслиги шарт.**



рамизга қўшилди ва ўзини соф ўзбек тилида Эргашой, деб таништирди. Эргашой Москвада ўқигани ва шу ерлик курсдоши бўлган араб йигитига турмушга чиққанини сўзлаб берди. Турмуш ўртоғи профессор бўлиб, шаҳардаги университетда ёшларга таълим бераркан. Уларнинг иккита қизи ҳам ўзбек тилини жуда яхши биларкан.

— Мен она юртимдан келган сайёҳларни кўрсам, ҳеч ҳам олдиларидан кетолмайман, — дея сўзлай бошлади Эргашой опа. — Тилимизни, қўшиқларимизни жуда соғинганман. Ҳар куни уйимда севимли ҳофиз Шерали Жўра-



2020-2025 йилларда халқ таълими тизимида инклюзив таълимни ривожлантириш концепцияси амалга оширилади.



# Қиз бола иккинчи даражали фарзандми?

**Қ**из бола бировнинг хасми, у ота уйига кмеҳмон. Ўқимаса ҳам бўлаверади, ўқиб дунёни олиб берармиди, “Сув келса симир, тош келса кемир”, чида, эр шунақа бўлади, хотин деган сал нарсага аразламайди, эрнинг калтаги – неъмат, куёвни пайғамбарлар сийлаган, нима деса “хўп бўлади”, де, сабр қил, қуюлиб қолади, болали бўлса, эси киради, “эринга, қайнонганга, қайнотанга гап қайтарма”, “қайнэгачи, қайнсингил, уруғ-аймоғларининг кўнглини ол”, хизматдан қочма, саҳарлаб туриб супур-сидир... Мана бизда қиз болага, келинларга берилдиган тарбия, ўғит.



лаш, ўзига қарам қилиб қўйиш, жоҳилликдан, пасткашликдан, бундайларни саводи йўқ, десанг мажбурий таълим бор, давлат “текинга” ўқитган. Эскича қараш десанг, ҳозирги замон бундай қарашларга ёт. “Тўқликка – шўхлик” ҳам эви биланда, кучим бор экан деб эрни ўздан устун қўядиган аёлга зуғум қилиш, зўрлик қилиш қайси эркакнинг “бурчи” экан?!

Аёлни ожиза деймиз, аслида ҳам шундайми? Ур-сур калтакларга чидаган, келинлик уйининг серташвиш ҳаётига кўниккан, болам нон тишласин, дея боқиманда эрининг ўрнига ҳам ўзи ишлаган матонатли аёл ожизами? Ўқишни орзу қилса ҳам отасининг бир ўқрайишига жим бўлган, истакларидан воз кечган қизлар ожизами? Аввалига, отасининг, кейин эрининг раъйига қараб яшаш бу ўзглинг йўқ дегани.

**Бу билан уларга қарши бориш керак демоқчи эмасман, қарс икки қўлдан чиқади. Икки томон бир-бирини тўғри тушуниши лозим. Қаршимизда турган одамни эркак-аёлга ажратиб қараш эмас, бир шахс сифатида қараш керак. Қиз ҳам, ўғил ҳам бир “индивит”, ўсиб улғайгани сари инсонийлик сифатларини ўзлаштиради. Жамиятнинг бир бўлаги, оиланинг бир аъзоси, мустақил фикр эгаси ҳисобланади.**

Болаликдан фарзандни мустақил қўйиш керак, унинг учун

ҳамма нарсани танлаб бериш керак эмас, ўзининг танловини ҳам ҳурмат қилиш керак. Эркинлик бериб ёмон йўлга кириб кетган йигит-қизларни биламиз дерсиз, бу ҳам тўғри. Шунинг учун ҳамма нарсада меъёр бўлиши шарт.

Қиз-ўғилни ёш уйли-жойли қилиш, турмушнинг муштларига тайёр бўлмай, болалик бўлиш, моддий етишмовчиликлар, қайнона-келин ва учинчи томон “ғиди-биди”лари ўргимчак ўзига тўр ясаганидек гап. Шамолни қўятуринг, “пуф” деганингизни ўзида бузилиб кетади. Нуқсон бор хонадонда, кунда жанжал бўладиган оилада фарзандлар ҳам қўрқоқ бўлиб катта бўлади. Энг ачинарлиси на болалигини яшай олади, на тузукроқ ўқийди, на эртага тўғри йўлни топиб кета олади. Вақти келиб янги ҳаёт бошлаганда юқоридаги занжир давом этаверади.

Замонамизда “дунёқараш”, “сўз эркинлиги”, “эркин фикрлаш”, “плюрализм”, “модернизм” тушунчалари қулоққа чалиниб туради. Нега ҳозир катталар ёшларга “нигилистсан”, “абсурдсан” дейди, чунки уларнинг атрофидаги “реаллик” сохтакорликни ташки қиляпти. Рақамлаштириш технологияси яратилиб ҳамма нарса тезлашиб кетган замонда ёлғон, алдов, фирибарлик каби атамалар биринчи “ўрин”га чиққан. Манфаатлар тўқнашуви бирдамлик, дўстлик, ҳалолликка эмас худбинлик принципига асосланяпти. Бу омилар нагжасида шахс руҳиятида салбийлик, кескин ҳаракатлар, инсонийликка тўғри келмайдиган ҳолатлар юзага чиқади. Масалан, эрининг аёлига фарзандининг нажасини едиртириб ҳузур топиши... Аслида, дунёқарашни тор, ўз фикрига эга бўлмаган, битта жумлани уддалаб гапиролмайдиган, бировнинг таъсирига берилувчандан чиқади бундай ғайриинсоний хатти-ҳаракатлар. Аёлга зуғум қилган у – мажруҳ. Соғлом одам бундай ишлар қилмайди. Зурриёдига она бўлган аёл ҳеч қандай хўрланишга муносиб эмас. Сиз жамиятимизда

аёл номига доғ тушираётганлар, она бўлишга нолайиқлар бор дейсиз. Тан олиш керак бундай ҳолатлар мавжуд, лекин бу дегани хотини ёки она бўлсин таҳқирлаш керак дегани эмас. Шахсий мулки эмас расмий ва шахрий никоҳи бўлса ҳам. Қиз бола турмушга чиқдими ота-она елкасидан тоғ ағдарилгандек ҳис қилади, уйи нотинч бўлса бир қалқиб олади “кеп қоса қайга сиздираман” дея. “Ўша уйдан ўлигинг чиқсин, бу уйга қайтма” дейдиган оталар қизингиз сизга ким ўзи?!

Қиз болани ўқитиш жамиятнинг саводли қилиш демак. Тарбия билан асосан оналар шуғулланади. Оналиккача қўли китоб кўрса, “Олий таълимни” олса, келажақда юқоридаги каби оталар, эрлар ҳақиқий эркак бўлиб тарбияланармиди. ОАВда соатлаб “гендер” тенглиги ҳақида сўз юритамиз, миллионлаб пул сарфлаб “роликлар” ишланади, амалда эса юқоридаги каби ҳолатлар юз берса маҳалла ва масъул ташкилотлар эри билан яшашни истамаган аёлларни боласини рўқач қилиб яраштириб кетишади (самарқандлик келин Муस्ताқамнинг 9 йиллик тақдирини каби). Қиз болани ҳар томонлама чўктирасиз, босим қиласиз, ўз-ўзига бўлган ишончини юлиб оласиз, оғиз жуфтласа “уят бўлади” дейсиз. Келинлик уйида ҳамманинг кўзига текинтомоқ бўлиб кўринади, худди “Эшакни иши ҳалол-у, ўзи ҳаром”дек.

Баъзи эркаклар бор ҳар хил сериал-киноларни кўради-да, ундаги қаҳрамонлар ўрнига аёл-қизларини қўйишади, кейин ўзларича “тарбия” беришади. Ёки ёрдам истаб ташкилотларга мурожаат қилган аёлларни “нега уйдаги гапни кўчага олиб чиқдинг?” дея танбеҳ беришган бўлади, гўёки олиб чиқмасе муаммо ҳал бўладигандек. Орамизда олиб чиқмайдиганлар ҳам бор, оқибати эса эр хотин-болаларини ёққан ёки ўлдирган билан тугаяпти.

Аянчли қисмат соя солиб қўймасдан, вақтида этакни ёпган яхши. Хулоса ўзингиздан, дўппини бошдан олиб ақл “компас”ингизни тўғри қутбга созлаш вақти аллақачонлар келди.

**Нодира СУЛАЙМОНОВА,  
ЎзЖОКУ талабаси.**

Фарзанд — у хоҳ қиз ёки ўғил бўлсин, аввало, ўз ота-онасидан ибрат олади. Фарзандингиз гўдаклигидан сиз нима десангиз, шуни қайтаради, қандай ҳаракат қилсангиз, ўшани такрорлайди. Сизга ўхшагиси келади. Бу ҳаракати билан сизга ойна тутаети. Юқоридаги гапларни ўқидингиз-а? Бу жумлалар Америкадек “сеҳрли диёр”да, Европанинг аслзодалари, Германиянинг оқбиллаклари, Африканинг қоравойларини, Хитой-Японларнинг кўзи қисик “одамча”лари

томонидан айтилмаган. Айнан ўзбекчилик, ўзбекона лутф билан айтилган, қулоққа қуйилган. Уят, номус қилиш ортидан эса бугун жамиятимизда ўзгли топталганлар қанча дейсиз? Бу гап билан маънавийтимизни, қадриятимизни, минг йиллик анъаналаримизни топта-япсан, деб даъво қиладиганлар бор орамизда. Ана шундайларга инсон кадр-қиммати, ҳақ-ҳуқуқи, шаънининг заррача аҳамияти йўқ. Аёл кишига буюмдек қараш, қулга қилинадиган муомала, уриш, тепки-

**Қиз-ўғилни ёш уйли-жойли қилиш, турмушнинг муштларига тайёр бўлмай, болалик бўлиш, моддий етишмовчиликлар, қайнона-келин ва учинчи томон “ғиди-биди”лари ўргимчак ўзига тўр ясаганидек гап.**



Ушбу саҳифа Олий Мажлис ҳузуридаги Нодавлат нотижорат ташкилотлари ва фуқаролик жамиятининг бошқа институтларини қўллаб-қувватлаш жамоат фондининг “Жамият — ислохотлар ташаббускори” Давлат ижтимоий буюртмаси асосида тайёрланди.

ҚИСҚА  
САТРАЛДАРДА  
ЎҚИҲ!





# Иқтисод соҳасига тил қоидалари керакми?

**“Кадрлар тайёрлаш Миллий дастури” ва “Таълим тўғрисида”ги Қонун талабларидан келиб чиққан ҳолда Тошкент Молия институтида 1997-1998 ўқув йилидан бакалаврларга “Мутахассислик тили” танлов фани киритилган. Мақсад қилиб, талабаларда имло қоидалари, иқтисодий атамашунослик, нутқ маданияти ва ҳужжатчилик бўйича малака асосларини шакллантириш белгиланган эди.**

Давр талаби ва тажрибадан келиб чиқиб, бу фанни 2005 йилда “Иқтисодиёт атамалари ва иш юритиш”, 2013 йилда “Иқтисодиётда техник ёзув”, 2017 йилдан бошлаб “Бизнес мулоқот ва академик ёзув”, 2020-2021 ўқув йилидан Олий ва ўрта махсус таълим вазирлигининг буйруғига кўра “Ўзбек тилининг соҳада қўлланиши” номи билан асосий фан сифатида биринчи курсларда ўқитилмоқда. Бу фан олий ўқув юртларда 2020-2021 ўқув йилидан бошлаб илк марта ўқитилаётгани учун фаннинг мақсади ва вазифасига, соҳага оид терминология масалаларига оид фикрларимизни баён этмоқчимиз.

Маълумки, бўлажак мутахассис иқтисодиёт тили ва услуби, иқтисодий терминология ва атамашунослик, нутқ маданияти, иш юритиш ва ҳужжатчилик тўғрисида мукамал билимга эга бўлмасдан туриб, ўз фикрини иқтисод соҳасига қўйилган талаблар асосида аниқ ва тўғри ифода эта олмайди. Бўлажак иқтисодчилар иқтисод тилининг ўзига хос хусусиятларидан пухта хабардор бўлмоғи, ўз ихтисослигидан келиб чиққан ҳолда Ўзбекистон иқтисодини юксалтиришга, унинг жаҳонда муносиб ўрин эгаллашига ҳисса қўшиши, чет мамлакатларда ва юртимизда давлатимизнинг иқтисодий манфаатини ҳимоя қилиши зарур. Фаннинг ўқитилиши муайян амалий йўналишга эга бўлиб, бакалаврда иқтисодиёт тили бўйича назарий билим ва амалий кўникмаларни, соҳага оид сўз, терминларни тўғри қўллаш, матнлар ва ҳужжатларни ҳатосиз ёзиш ҳамда тўғри тўлдириш малакасини ҳосил қилишни назарда тутди.

“Ўзбек тилининг соҳада қўлланиши” фанини ўқитишда асосий эътибор қаратилган жиҳатлар бор. Ўзбек тилининг кирилл ва латин ёзуви алифбосидаги ҳарфларнинг, товушларнинг талаффузи, ёзилиши ва фарқлари, имло қоидалари

ва бўлимлари ҳақида зарурий билимлар берилиши, “Давлат тили ҳақида”ги қонун ҳамда ўзбек тилига оид барча меъёрий ҳужжатлар юзасидан батафсил маълумот берилиши зарур. Биламизки, бу фарқларни ажратиш олиш бугун жудаям қийин. Айрим соҳа мутахассисларига на ажратиши мумкин холос. Буни соддалаштириш керак. Яъни соҳага оид сўз, термин, атама ва сўз бирикмалари бўйича кенг маълумот берилиши, улар ўртасидаги ўхшаш ва фарқли жиҳатлар изоҳланиши керак.

Хусусан, “термин” тушунчасининг қўйидагича белгиларига алоҳида эътибор бериш керак: 1) термин-умумадабий тилнинг махсус вазифа бажарувчи бир тури бўлмиш ишлаб чиқариш, фан ва техника тилига мансуб лисоний бирлик, бир сўз ёки бирикмаси; 2) термин-конкрет нарса-предмет, ашё, мавҳум тушунчаларнинг махсуслаштирилган номи; 3) термин тушунчанинг бирини иккинчисидан чегаралаб ажратиш имконини берувчи, айни маҳалда маълум тушунчани муайян таснифий қаторга жойлаштиришга йул кўювчи, фарқловчи белгиларини равшанроқ кўрсатади. Тўғри, булар гапирганда, ўқиганда одамларга зерикарли туюлиши мумкин. Аммо буларни билмаслик ҳам тилимиздаги нуқсонлардан саналади.

Инсон инсонлигини таниб, биринчи навбатда “иқтисод” тушунчасига дуч келган. Қатор терминологик тизимларнинг, жумладан, иқтисодиёт терминларининг шаклланиши узоқ ўтмишга бориб тақалади. Бунга ишонч ҳосил қилиш учун тарихий ёзма ёдгорликларга мурожаат этишга тўғри келади.

Шу нуқтаи назардан туркийлар луғатчилигининг асосчиси Маҳмуд Кошғарийнинг “Девону луғотит-турк” луғати, мустақилликкача яратилган қатор луғатлар, ўзбек адабиёти вакиллари, хусусан, Алишер Навоий, Бобур ва бошқа-

ларнинг бадиий, илмий-бадиий асарлари, турли илмий асарлар, вақф ҳужжатлари ва бошқалар ўзбек иқтисодий терминларнинг ривожланишида ўзига хос ўрин тутган манбалар деб ҳисобланиши мумкин.

Ўзбек адабий тилининг асосчиси Алишер Навоий илмий ёки бадиий асарларида кўплаб асли ўзбекча (кўпи умумтуркий), арабча, форсча иқтисодий терминлар синоним сифатида ишлатилган: *савдопеша-савдогар-савдогарчилик; сармоя-давлат-маблағ; байбона-баҳо – қиймат-байпули; манфаат-фойда-даромад; бож хирож; дастмоя-пул-нақдина; нарх-баҳо; нафақа-маош-харажат* ва бошқалар.

Мустақилликдан сўнг ўзбек иқтисодий терминологияси русча байналмилал иқтисодий терминлар ўзбек тилида айнан таржимасиз қўлланилмоқда (*валюта, доллар, кредит, банкнот, аккредитив, лизинг, форфетинг, либор*), русча байналмилал иқтисодий терминларнинг баъзилари таржима қилинди ёки унинг ўзбек тилидаги муқобиллари қўлланила бошланди (*дефицит-тақчил, лицензия-рухсатнома, капитал-маблағ, реформа-ислоҳот*).

Иқтисодиёт фанлари доктори, профессор Тоҳир Маликовнинг фикрича, “солиқ йиғилувчанлиги” деб эмас, балки “солиқлар ундирилувчанлиги” иборасини ишлатиш керак; Шунингдек, “умумий солиқ юки”, “ҳақиқий солиқ юки”, “реал солиқ юки”, “соф солиқ юки”, “жамланган солиқ юки”, “эгри (билвосита) солиқлар бўйича солиқ юки”, “тўғри (бевосита) солиқлар бўйича солиқ юки”, “алоҳида олинган солиқ бўйича солиқ юки” ва ҳ.к. шунга ўхшаш тарздаги сўз бирикмаларини ишлатишда ҳам эҳтиёт бўлмоқ лозим. Чунки уларда ишлатилаётган ҳар бир сўзнинг ўзига хос нозик, қатгис жойлари мавжуд.

Юқоридагилардан келиб чиқиб олий ўқув юртларида ўқитилаётган “Ўзбек тилининг соҳада қўлланиши” фанидаги сўз ва терминга оид мавзуларни тайёрлашга масъулият билан ёндашиш ҳамда соҳа бўйича йирик мутахассис олимларнинг фикрлари, тадқиқотларидан ҳам фойдаланиш зарур деб ҳисоблайман.

**Нишонбой ҲУСАНОВ,**  
Тошкент молия институти  
Ўзбек ва хорижий тиллар  
кафедраси мудири, филология  
фанлари доктори

Тил халқни бирлаштиради, тарбиялайди, ўқитади, урф-одат, анъаналарини сақлайди. Шундай экан, она тилимизнинг халқро миқёсдаги обрў-эътиборини юксалтиришда ҳар биримизнинг ўрнимиз бор.

## «...Сўзингга қараб кузатарлар!»



да бўлмаган тил ўлимга маҳқум.

Нотиқлик санъати, воизлик маданиятидан дарс бериш жараёнида тингловчиларимга баъзан мурожаат қилиб “Сизлар тилларда сўзлайсиз, аммо тилда фикрлайсиз”, десам, “бу нима деганингиз” деб сўрашади. Кейин тушунтирган бўламан. Масалан, мен форс, рус, немис тилида гапирсам ҳам, ўзбек тилида фикрлайман. Ўзбекча қурилишини ясаб олиб, ўша тилларга таржима қилиб, кейин гапираман.


Муаммонинг сабаби аён. Биз ўзбек тилида фикр ифодалаш ва уни етказиш билан боғлиқ масалаларда оқсаяпмиз. Юқорида таъкидлаганимиздек, тилни ўзлаштиришда амалий машғулотдан кўра, назарий маълумотни зўрма-зўраки сингдириш йўлидан бориб ўқувчини бездирдик. Ўқувчи бугун фандан безса, эртага ватандан безади, индинга ватангадо бўлади. Ўз тилимизнинг барча жараёнларда фаол қўлланилишига эришмагунимизча ҳеч қандай сифат ва самара бўлмайди.

Дарҳақиқат, инсоннинг ўзлиги учун кўзгу унинг сўзлигидир. Кимнинг кимлигини билдируви ойнаи жаҳони ҳам унинг тили. Инсоннинг икки оғиз сўзиданоқ унинг онги, савияси, билими, қизиқиш олами, табиати ва тийнати англаб олиш қийин эмас. Халқимизнинг “Ўзингга қараб кутарлар, сўзингга қараб кузатарлар”, деган мақолида ҳам ана шу ҳақиқат яширин.

Ўттиз йил елдек тез ўтиб кетди. Ҳар йил тил байрами тадбирларини ўтказамиз, ОАВ орқали ёритамиз ҳам. Амалда қандай? Ҳар биримиз ўз ўзимизга савол берайлик. Минбар, микрофон ва видеокамера орқали жамоага юзланиб бемалол, эмин-эркин мулоҳаза билдиришга, сўз айтишга қодирмизми? Оғзаки ва ёзма нутқ маданияти қоидаларига риоя этиб, фикрни эмин-эркин баён эта оламизми? Афсуски, ижобий жавоб йўқ.

Тадбир давомида компания ходимлари жонли мулоқотга киришиб кетишди. Айтишга, шеваларга хос сўзлар борасида қизгин баҳс-мунозара бўлди. Натижада тилимизга оид бир қанча маълумотга ва ўзларини қизиқтирган барча саволларга жавоб олишди.

**Нуриддин УБАЙДУЛЛАЕВ,**  
“Жамият” мухбири



Ёшлар ва хотин-қизларга микрокредитлар таъминотсиз ажратилади.



**Ўзбекистон Миллий ахборот агентлигининг расмий саҳифасига қўйилган “Ҳисоблагичлар машмаси: аҳоли нега сарсон?” мақоласига кўзим тушди. Айти муддао! Батафсил мутолаа қилгач, ушбу фактларни сизлар билан ўртоқлашгим келди. Мулоҳаза ва хулоса чиқариш ўзингиздан.**

# Муддат бузишда “Чемпион” ташкилот



туманида 12, Бағдод туманида 8, Олтиариқ туманида 11, Фарғона шаҳрида 3, Ўзбекистон туманида 10, Ёзёвон туманида 10, Бувайда туманида 3 та — 584 нафар фуқаронинг мурожаатларини кўриб чиқишда муддат бузилган.

Шунингдек, табиий газни ҳисобга олиш ускунасини (ҳисоблагични) ечиш ва ўрнатиш масаласидаги мурожаатларини кўриб чиқишда Марғилон шаҳрида 86, Данғара туманида 84, Учкўприк туманида 70, Қўқон шаҳрида 55, Фурқат туманида 45, Қўштепа туманида 39, Сўх туманида 24, Бағдод туманида 19, Тошлоқ туманида 12, Фарғона туманида 10, Олтиариқ туманида 9, Фарғона шаҳрида 7, Ўзбекистон туманида 5, Ёзёвон туманида 4, Кува туманида 3, Бувайда туманида 2, Риштон туманида 2 та — 476 нафар фуқаронинг мурожаатларини кўриб чиқишда муддат бузилган.

Бундан ташқари, ХЭТКлар томонидан истеъмолчиларнинг 1,2 МПа босимдан юқори

Президенти Администрациясида давлат хизматларини йўлга қўйиш ва уларни электрон шаклга ўтказишда масъулиятсизликка йўл қўяётган аниқ шахсларни кўрсатган ҳолда мазкур қарорнинг амалга оширилиши бўйича маълумот киритиш вазифаси юклатилган.

Ўзбекистон Республикаси Президентининг “Ўзбекистон Республикаси Адлия вазирлиги ҳузуридаги Давлат хизматлари агентлиги фаолиятини ташкил этиш тўғрисида”ги қарорининг 3 бандига асосан, Агентлик давлат хизматлари кўрсатувчи давлат органлари ва бошқа ташкилотлар раҳбарларига аниқланган қонунбузилишлар, уларга имкон берувчи сабаблар ва шарт-шароитларни бартараф этиш ҳақида кўриб чиқилиши мажбурий бўлган тақдимномалар киритиш ҳамда давлат хизматлари кўрсатиш соҳасидаги қонун ҳужжатларини бузганлик учун давлат органлари ва бошқа ташкилотлар мансабдор шахсларига нисбатан маъ-

мурий жазо чорасини қўллаш ҳуқуқига эга. Шунга кўра, барча қонунбузилиш ҳолатлари юзасидан қонуний баҳо берилди.

Бизнингча, юқорида келтирилган қонунбузилиш ҳолатларига чек қўйилиши учун сув ва газ таъминоти ҳамда электр тармоқлари ташкилотлари раҳбарлари иштирокида ушбу муаммолар муҳокама қилиниши, келгусида бу каби қонунбузилиш ҳолатларига йўл қўйилмаслик юзасидан аниқ чора-тадбирларни белгилаб олишлари зарур.

Бугун замон шиддат билан ривожланиб бормоқда. Қайси ташкилот бўлишидан қатъий назар, тинимсиз янги ланишлар бўлаётган бир пайтда барча идоралар вакиллари ана шу ўзгаришларга мослаша олиши жуда муҳим. Акс ҳолда, фуқароларнинг сарсонгарчиликлари давом этаверади.

**Фарҳод НУГМАНОВ,**  
ДХА Фарғона вилоят  
бошқармаси  
бўлим бошлиғи

Ўзбекистон Республикаси Президентининг фармони-га мувофиқ, Адлия вазирлиги ҳузуридаги Давлат хизматлари агентлиги жисмоний ва юридик шахсларга давлат хизматлари кўрсатиш соҳасида ваколатли давлат органлари ва бошқа ташкилотлар томонидан давлат хизматлари кўрсатишда қонун ҳужжатлари ҳамда маъмурий регламент талабларига риоя этилишини назорат қилиш бўйича ваколатли орган ҳисобланади.

Жумладан, Давлат хизматлари агентлиги Фарғона вилоят бошқармаси томонидан аҳолига электр энергияси, табиий газ, ичимлик сувни ҳисобга олиш ускуналарини (ҳисоблагичларни) ечиш ва ўрнатиш, қиёслашдан ўтказиш соҳасини тартибга солган маъмурий регламент талабларига риоя этилиши аҳоли таҳлил қилинганда, вилоятнинг сув таъминоти корхоналари 1399 ҳолатда, электр тармоқлари корхоналари 1081 ҳолатда, бироқ булар орасида энг “етақчи”си худудий газ таъминоти ташкилотлари (ХГТТ) 4945 ҳолатда муддат бузилишига йўл қўйганлиги аниқланди.

Хусусан, Вазирлар Маҳкамасининг қарори билан тасдиқланган Юридик ва жисмоний шахсларнинг табиий газни ҳисобга олиш ускуналарини (ҳисоблагични) ечиш, қиёслашдан ўтказиш ва ўрнатиш бўйича давлат хизматлари кўрсатишнинг маъмурий регламенти юридик ва жисмоний шахсларга Давлат хизматлари марказлари ёки Ўзбекистон Республикаси Ягона интерактив давлат хизматлари портали орқали табиий газни маиший ва электрон ҳисобга олиш (ҳисоблагич) ускунасини ечиш, қиёслашдан ўтказиш ва ўрнатиш бўйича давлат хизматларини кўрсатиш тартибини белгилайди.

Ушбу регламентга мувофиқ, юридик ва жисмоний шахслар Давлат хизматлари марказлари ёки Ўзбекистон Республикаси Ягона интерактив давлат хизматлари портали орқали йўллаган мурожаатлари ХГТ-

Тга келиб тушганидан сўнг 14 иш кунини амалга оширилиши белгиланган.

Аниқланишича, ХГТТ томонидан талабгорларнинг табиий газни ҳисобга олиш ускуналарини қиёслашдан ўтказиш масаласидаги мурожаатларини кўриб чиқишда, хусусан, Олтиариқ туманида 800, Фарғона шаҳрида 748, Кува туманида 383, Қўқон шаҳрида 355, Марғилон шаҳрида 353, Фарғона туманида 214, Ўзбекистон туманида 212, Риштон туманида 165, Кува туманида 143, Қўштепа туманида 148, Учкўприк туманида 138, Фурқат туманида 62, Сўх туманида 43, Бағдод туманида 33, Данғара туманида 28, Бешариқ туманида 23, Тошлоқ туманида 14, Ёзёвон туманида 9 та, яъни 3871 нафар фуқаронинг мурожаатларини кўриб чиқишда муддат бузилишларга йўл қўйилган.

Вазирлар Маҳкамасининг қарори билан тасдиқланган Юридик ва жисмоний шахсларни газ тармоқларига улаш бўйича давлат хизматлари кўрсатишнинг маъмурий регламентига мувофиқ, юридик ва жисмоний шахсларнинг табиий газни ҳисобга олиш тизимини пломбалаш ва электр таъминоти шартномасини тузиш ҳақидаги мурожаатлари ХГТТга келиб тушганидан сўнг жами икки иш кунда амалга оширилиши керак. Бу шарт!

Хусусан, ХГТТ томонидан табиий газни ҳисобга олиш тизимини пломбалаш ва газ таъминоти шартномасини тузиш масаласидаги мурожаатларини кўриб чиқишда, жумладан, Данғара туманида 291, Тошлоқ туманида 113, Фарғона туманида 59, Марғилон шаҳрида 30, Қўқон шаҳрида 33, Фурқат

**Бизнингча, юқорида келтирилган қонунбузилиш ҳолатларига чек қўйилиши учун сув ва газ таъминоти ҳамда электр тармоқлари ташкилотлари раҳбарлари иштирокида ушбу муаммолар муҳокама қилиниши, келгусида бу каби қонунбузилиш ҳолатларига йўл қўйилмаслик юзасидан аниқ чора-тадбирларни белгилаб олишлари зарур.**

бўлган газ тармоқларига уланишига техник шартларни олиш масаласидаги мурожаатларини кўриб чиқишда, 16 та ҳолатда “dxa.gov.uz” тизимида ижобий ҳал этилди деб жавоб хати йўлланган, тизимга юкланган жавоб хатида эса “табиий газ тармоғига улаш нуқтаси ўрганилмоқда” деган ваз билан маъмурий регламентда кўрсатилмаган асосиз жавоб берилган, кейинчалик эса техник шартлар тўғрисида аниқланди.

Маълум бўлишича, Данғара туманида 4, Бувайда туманида 3, Фарғона шаҳрида 3, Тошлоқ туманида 1, Бағдод туманида 1, Олтиариқ туманида 1, Кува туманида 1 та, жами 14 та ҳолатда маъмурий регламентда кўрсатилмаган асос билан жавоб берилган.

Президентимизнинг “Давлат хизматлари кўрсатиш тизимини жадал ривожлантириш бўйича қўшимча чора-тадбирлар тўғрисида”ги қарорининг 13 бандига асосан Адлия вазирлиги Ўзбекистон Республикаси Бош прокуратураси билан биргаликда ҳар чорак якунига кўра, Ўзбекистон Республикаси

ЭЪЛОН

## «TOSHKENT KIM OSHDI SAVDOLARI»

**масъулияти чекланган жамияти**  
**2020 йил 17 ноябрь кунини очик аукцион савдоларини ўтказиши**

Савдоларга Тошкент шаҳар, Қоратош кўчаси, 5 уйда жойлашган Ўзбекистон Республикаси Ахборот технологиялари ва коммуникацияларини ривожлантириш вазирлиги Давлат фельдъегерлик хизматининг 2013 йилда ишлаб чиқарилган, д/р 01/339 УСА бошланғич нархи 17103777 сўм бўлган ҳамда д/р 01/341 УСА бошланғич нархи 17331828 сўм бўлган «Дамас» русумли иккита автотранспорт воситаси қўйилади.


Аукцион савдолари соат 10-00 да бошланади. Буюртма қабул қилиш савдо кунидан аввалги иш кунини соат 18-00 да тўхтатилади. Савдоларда қатнашиш учун закат тўғрисида келишувга мувофиқ автотранспорт воситасининг бошланғич нархининг камида 20 фоизи миқдориди закат пули «Toshkent kim oshdi savdolari» МЧЖнинг АТИБ «Ипотека-банк» Шайхонтохур филиалидаги ФА 00425, СТИР 302088054, 2020800004932833001 ҳисоб рақамига тўланади. Мазкур автотранспорт воситалари юқорида белгиланган савдо кунини соатилмаган тақдирда навбатдаги ҳафталарнинг пайшанба кунлари ўтказилмаган сав-

доларга такоран қўйилади. Савдо голибига савдо кунидан бошлаб йигирма кун муддат ичида олди-сотди шартномасини имзолаш, тўланган закат миқдори сотиб олиш тўлови миқдорининг 15 фоизидан камини ташкил этган тақдирда етишмаётган суммани шартнома тузулгунга қадар тўлаб бериш шартлари юклатилади. Талабгорлар белгиланган муддатларда аукцион савдоларида қатнашиш учун буюртма икки нусхада, закат тўлов ҳужжати нусхаси, аукцион савдоларида ишончли вакил қатнашишида белгиланган тартибда расмийлаштирилган ишончнома, юридик шахслар — давлат рўйхатидан ўтганликлари ҳақидаги гувоҳнома нусхаси, жисмоний шахслар — паспорт тақдим этадилар. Аукционда қатнашиш тартиби ва талаблари тўғрисида қўшимча маълумотлар кўрсатилган манзилдан олиниши мумкин.

Буюртмалар аукцион ўтказилмаган куйидаги манзилда қабул қилинади: Тошкент шаҳри Миробод тумани Шаҳрисабз кўчаси 16 а уй.

Алоқа телефони (+998 95) 143-69-97 электрон почта tkos@mail@inbox.ru

Гувоҳнома № 005414-05



Умумтаълим фанлари бўйича сертификатлаш жорий этилади.





**Муносиб турмуш фаровонлигига эришишни мақсад қилган ҳар бир давлат, энг аввало, таълим тизимини ислоҳ қилиш, илм-фан соҳасини ривожлантириш, келажак ёш авлоднинг янгиликка интилиши, ташаббускорлигини қўллаб-қувватлашга алоҳида эътибор қаратади. Бу шубҳасиз.**

Чунки мамлакатнинг келажаги, унинг иқтисодий қудрати, ижтимоий-маънавий ҳаёт даражасининг юксалишини сифатли таълимсиз, малакали кадрларсиз тасаввур қилиб бўлмайди.

Ўтган қисқа даврда соҳада олиб борилган ислохотлар натижасида мактабгача таълим тизимида бошқарувнинг янги услуби амалиётга татиқ этилди, мактаб таълимида 11 йиллик тизимга ўтилди, педагоглар, устоз ва мураббийларнинг обрў-эътибори, нуфузи ошиб, жамиятда ўқитувчилик касбининг мақоми янада юксалди. Бир сўз билан айтганда, мамлакатимизда таълим тизимини ривожлантириш катта ижтимоий ҳодиса — давлат сиёсатининг энг асосий ва муҳим йўналишига айланди.

Мамлакатимиз ўз тараққиётининг янги даврига қадам қўйган ҳозирги кунда Ўзбекистон Республикасини

## Тараққиёт калити

2017-2021 йилларда ривожлантиришнинг бешта устувор йўналиши бўйича Ҳаракатлар стратегияси асосида барча соҳаларда кенг қўлланма ўзгаришлар амалга оширилмоқда. Ана шу ислохотларнинг муваффақияти, мамлакатимизнинг дунёдаги ривожланган, замонавий давлатлар қаторидан муносиб ўрин эгаллаши аввало, илм-фан ва таълим-тарбия соҳасининг ривожини билан, бу борада бизнинг дунё миқёсида рақобатдош бўла олишимиз билан узвий боғлиқ.

Давлатимиз раҳбарининг “1 октябрь — Ўқитувчи ва мураббийлар кунини” муносабати билан ўтказилган тантанали маросимдаги нутқини тинглаган мамлакатимиздаги ҳар бир педагог, устоз ва мураббий, кўйинги, ўзини шу юрт эртаси, унинг келажаги ва тараққиётига дахлдор деб билган барча ватандошимиз янада теранроқ англади, десак муболаға бўлмайди.

Таълим соҳасидаги ислохотларнинг муваффақияти, мамлакатимизнинг дунёдаги ривожланган, замонавий давлатлар қаторидан муносиб ўрин эгаллаши, аввало, илм-фан ва таълим-тарбия соҳасининг ривожини, бу борада бизнинг дунё миқёсида рақобатбардош бўла олишимиз билан узвий боғлиқ.

Давлатимиз раҳбари нутқида бугунги кундаги таълим тизимининг камчиликларига тўхталиб ўтиб, аксарият олий ўқув юрти битирувчиларининг билим ва малакаси меҳнат бозори талабларига жавоб бераётгани, маҳаллий таълим муассасаларида инновацион фаолият ҳамда тадқиқот натижаларини амалиётга жорий этиш даражаси жуда паст эканлиги, тизимда илмий даражали ўқитувчилар улуши ўртача 37 фоиз экани ҳамда олий таълим масканларини илмий лабораториялар билан жиҳозлаш, тизимда ахборот-коммуникация технологияларини қўллаш даражаси ҳам паст эканини куюнчақлик билан айтиб ўтди. Шу боис мурожаатда бу борадаги муаммоларни тизимли равишда ҳал этиш, ёшларни илмий ишлар, фойдали лойиҳаларга жалб этиш, илмий-тадқиқот ишларини янада ривожлантириш, айниқса, “рақамли иқтисодиёт” бўйича малакали мутахассисларни тайёрлаш ниҳоятда зарур.

Президентимизнинг устоз ва мураббийларга йўллаган ушбу мурожаати ота-оналар, ўқитувчилар баробарида барча ватандошларимиз зиммасига катта масъулият юклайди. Шу боис соҳа ривожини йўлида белгиланган вазифаларни тўлақонли амалга ошириш ўзини шу юрт равнақига дахлдор деб биладиган барча юртдошларимизга катта масъулият юклаши табиий.

**Маликабону АБДУЛЛАЕВА,**  
**Тошкент давлат юридик университети**  
**Фуқаролик ҳуқуқи кафедраси**  
**мустақил изланувчиси**

## Эътирофга муносиб устозлар

**“Биз ҳар биримиз ҳаётда қандай муваффақият ва натижаларга эришган бўлсак, бу ютуқларда сизларнинг беқиёс ҳиссангиз борлигини доимо миннатдорлик билан эътироф этамиз”, деди Президентимиз ўқитувчи ва мураббийлар кунига бағишланган тантанали маросимда. Бу биз устоз ва мураббийларга бўлган эътиборнинг яққол намунаси.**

Дарҳақиқат, инсон тарбиясида, камолотида устознинг хизматлари беқиёс. Бу йилги пандемия шароитида ҳам жонкуяр ўқитувчилар ўз ишини муваффақиятли давом эттиришти. Аксарият мактабларда янги ўқув йили бошланди. “Онлайн мактаб” лойиҳаси ва масофавий таълим йўлга қўйилди. Бизнинг мактабимиз ҳам бундай юксак ишлардан мустасно эмас.

Билим даргоҳимиз иқтидорли ўқувчиларни тайёрлашга ихтисослашгани туфайли имкон қадар қобилияти бор ўқувчиларга алоҳида ёндашамиз. Мактабимизда 44 нафар педагог фаолият юритади. Уларнинг барчаси олий маълумотли, юқори тоифаларга эга мутахассислар. Мактаб сўнгги уч йилда туман рейтингда биринчи ўринни эгаллаб келмоқда. Айниқса, ўтган йилги натижаларимиз салмоқли бўлди. Республика фан олимпиадасининг вилоят босқичида уч нафар, билимлар беллашувида эса тўрт нафар ўқувчимиз биринчи ўринни эгаллади. Мактабимиз битирувчиси Хулкар Шерзодова ўтган йили адабиёт йўналиши бўйича Зулфия номидаги Давлат мукофотиغا сазовор бўлди.

“Йилнинг энг яхши фан ўқитувчиси” кўрик-танловининг Республика босқичида инглиз тили фани ўқитувчимиз Мурод Абдуқодиров иккинчи ўринни, кимё фани ўқитувчимиз Илҳом

Анорқулов тўртинчи ўринни эгаллагани мактабимиз нуфузини янада оширди. Тарих фани ўқитувчиси А.Жумагулов эса “Йилнинг энг яхши тўғарак раҳбари” кўрик-танловининг Республика босқичида учинчи ўрин соҳибига айланди.

Инглиз тили ўқитувчиси Мурод Абдуқодировнинг изланишлари самарали кечмоқда. У ушбу мактабдаги фаолияти давомида ихтисослаштирилган синфлар учун “English Special for 5 th grade” номли ўқув қўлланмасини яратди. Ушбу қўлланма Тошкент вилояти Малака ошириш институтида оммалаштирилди. Илҳом Анорқулов “Мактабда кимё курсида масалалар ечиш”, “Кимёвий бошқотирмалар” номли қўлланмаларни яратди.

Ана шундай самарали меҳнатлар эвазига мактабимиз ўқувчиларининг қўлга киритаётган ютуқлари ҳам салмоқли бўляпти. Чунончи, ўтган ўқув йилида ўтказилган фан олимпиадалари ва Билимлар беллашувида ўқувчиларимиз фақат юқори ўринларни забт этишди. Мактабимизнинг 6 синф ўқувчиси С.Самиджонов “Энг ёш дастурчи” кўрик-танловининг вилоят босқичида 3 ўринни эгаллаган бўлса, 8 синф ўқувчилари “Мен ҳам гвардиячи бўламан” кўрик-танловида биринчи бўлишди. Шунингдек, 11 синф ўқувчиси Ширин Асилбекова “Конституция — бахтимиз



**Моҳира МУСТАЕВА,**  
**Оққўрғон туманидаги**  
**49 ихтисослаштирилган Давлат**  
**умумтаълим мактаби директори**

пойдевори” иншолар танловининг вилоят босқичида голибликни қўлга киритди.

Айтиш лозимки, ушбу йилда мактабимизни 45 нафар ўқувчи тамомлаган бўлса, шундан 23 нафари ОТМларга ўқишга кирди. Битирувчиларимиздан бири Диёра Исоқова кимё фани бўйича халқаро фан олимпиадасининг саралаш босқичида иштирок этди. 2019 йили ноябрь ойида кимё фанидан Фарғона вилоятида ўтказилган кўшимча Абу Райҳон Беруний Республика фан олимпиадасида ҳам фаол қатнашди. Диёра Тошкент тиббиёт академиясига ҳужжатларини топшириб энг юқори — 189 балл тўплади ва талабалар сафига давлат гранти асосида қабул қилинди.

Мактабимиз ўқитувчилари доимо изланишда. Яқинда 2 нафар ўқитувчимиз магистратура тамомлади, уч нафари эса магистратурага ўқишга кирди. Улар ўзларининг илмий, ижодий изланишларини битта мақсадга қаратишган. У ҳам бўлса, жамиятимиз учун етуқ, билимдон, иқтидорли ёшларни тарбиялаб вояга етказиш.

## Оилавий тадбиркорлик ҳосиласи

**Б**угун юртимизда ўзининг оилавий бизнесига, шахсий томорқасига, хусусий корхонасига эга бўлаётган ишбилармонлар тобора кўпаймоқда. Ўзлари тайёрлаётган маҳсулотларни экспортбop қилишнинг ҳам уддасидан чиқишяпти. Бу борада оққўрғонлик тадбиркорларнинг айтишу кунлардаги изланишлари эътиборга молик. Улар ўзларининг тадбиркорлик фаолиятини ривожлантиришда “Микрокредитбанк” АТБ Оққўрғон филиали билан яқин ҳамкорликни йўлга қўйган. Банк томонидан тадбиркорларга ажратилаётган кредитлар шубҳасиз, туман иқтисодиётининг ривожланишига хизмат қилаётир.


Биргина мисол. Яқиндагина ўз фаолиятини бошлаган тумандаги “Ҳаётбек Отабек” ва “Lepus” МЧЖнинг қисқа фурсатда фаолиятини йўлга қўйишида банкнинг ҳиссаси катта бўлди. Паррандачиликка ихтисослашган “Ҳаётбек Отабек” корхонаси 110 миллион сўм, қуёнчиликни ривожлантиришга ихтисослашган “Lepus Agroservis” корхонаси 2 миллиард 300 миллион сўм миқдорда кредит олиб, мазкур йўналишдаги ишларни тубдан ривожлантириб юборди. Ҳозирда кредит эвазига тадбиркор Равшан Умаров 6000 дона “Бруллер” зотли паррандаларни олиб келиб, кўпайтираётган бўлса, Фирдавс Хатамов эса “НПТ+Франсуки” зотли 4000 дона қуённи парвариш қилаётир. Натижада корхоналарда йигирмага яқин янги иш ўринлари яратилди.

Ҳар икки тадбиркор ҳам пандемия шароитига қарамасдан энг шимариб, астойдил меҳнат қилишяпти. Ўзларидан ортириб кам таъминланган оилаларга товуқ гўшти, ёғ ва ун маҳсулотларини ёрдам тариқасида тарқатаётгани саховатпешаликдан далолат. Банк томонидан ажратилган кредитлар яхши самара келтираётган бўлса, эндиликда улар бу соҳани янада ривожлантиришга аҳд қилишган. “Ҳаётбек Отабек” корхонаси келажакда парранда гўштини қайта ишлаш цехини очмоқчи. “Lepus Agroservis” корхонаси қуёнлар сонини янада кўпайтиришни ният қилган.

— Қуёнчилик тез ривожланган соҳа экан, — дейди Фирдавс Хатамов. — Ишларимизни янада жадаллаштирган ҳолда келгусида қуёнлар сонини 50 мингга етказмоқчимиз. Бу борада “Микрокредитбанк” туман филиали кўмаги таянган ҳолда иш олиб бораверимиз.

Дарҳақиқат, туманда “Микрокредитбанк” Оққўрғон филиали кўмаги ва мададига таяниб, тадбиркорлик фаолиятини йўлга қўяётганлар сони тобора кўпайиб бормоқда. Бу яхши, албатта. Зеро, халқимизда “Иш билганга минг танга” дея бежизга айтмаган.

**Бердиёр ТАХТАБОЕВ,**  
**“Микрокредитбанк” АТБ Оққўрғон**  
**филиали бошқарувчиси**  
**вазифасини бажарувчиси**



Самарқандда ҳар икки йилда бир марта инсон ҳуқуқлари бўйича халқаро форум ўтказилади.



# Истиқболли меморандум

## ИМЗОЛАНДИ



2020 йилнинг “Илм-фан, маърифат ва рақамли иқтисодиёт йили” деб эълон қилинган, ўз навбатида, бозор иқтисодиётини янада ривожлантиришда иқтисодий жиҳатдан энг самарали ва оптимал йўл танлаган давлат сифатида дунё ҳамжамиятидаги замонавий тенденцияларни қўллаб-қувватлашда тўлақонли акс этади.

ҳамкорликни янада мустаҳкамлаш устувор масалалари муҳокама қилинди.

Анжуманнинг асосий мақсади электрон тижорат соҳасида тажриба алмашинуви ташкил қилиш, маҳаллий маҳсулотлар экспортини ҳамда Хитойдан импорт қилинадиган товарлар кўламини кенгайтириш тизимини рағбатлантириш, электрон савдо майдончаларни амалиётга татбиқ этиш ва мазкур йўналишдаги ҳамкорликни янада ривожлантириш истиқболларини белгилаб олиш бўлди.

Яқунда АЕЕХ ҳамда BMB TRADE GROUP компаниялари ўртасида мамлакатимизда етиштирилган маҳаллий қишлоқ хўжалиги маҳсулотларининг Хитой бозорига экспортини кенгайтириш мақсадида электрон савдо майдончаларини ташкил қилиш бўйича ҳамкорлик тўғрисида меморандум имзоланди.

Умуман олганда, бизнес-форум икки давлат ўртасида савдо-иқтисодий алоқалар ва ҳамкорликни кенгайтиришга, шунингдек, электрон тижоратни ривожлантиришда ҳамда амалиётга электрон савдо майдончаларини кенг татбиқ этиш мақсадларига хизмат қилади.

**BMB Trade Group**  
ахборот хизмати.

Алоздан истеъмол қилиб юрилса, кўз нуруни кўпайтиради.

### Меъда касалликларини даволаш

Қуруқ ялпиз қалампирмунчоқни қайнатиб ичиш билан меъдадаги совуқ хилтни йўқотиш мумкин.

Қуртилган ўрикни сувда қайнатиб. Бир кундан сўнг ичилса, меъда ҳароратининг ортишига даво бўлади.

Ҳар куни 3-4 гр. саримсоқ истеъмол қилиб юрилса меъдани тозалаб, кучга киргизади.

Ҳар куни 15-18 гр. райхонни янчиб ёки қиймалаб есангиз, меъда заифлигидан қутуласиз.

**Маъсуда ЁҚУБОВА**  
тайёрлади.

# “Мен таржимон бўламан!”

Бугун чет тилларини ўрганиш шиддат билан одимлаб бормоқда. Ўзбек ёшлари до-нишманд халқимизнинг: «Тил билган — эл билар», деган сермазмун ўғитини доимо ёдда тутиб, амал қиладилар.

Дарҳақиқат, келажакимиз эгалари турли чет тилларни пухта эгаллаш, шу орқали дунё фан соҳасидаги илғор янги билимларни ўзлаштириш, тажриба ва малака ошириш мақсадида дунёдаги етакчи таълим муассасаларига бориб ёки мамлакатимизда фаолият юритаётган филиалларида бемалол таҳсил олмоқдалар.

Мамлакатимизда таълим тизимининг барча босқичларида чет тилларини узлуксиз ўрганишни ташкил этиш, ўқитувчиларнинг малакасини ошириш бўйича кенг кўламли ишлар олиб борилмоқда. Умумий таълим муассасаларида чет тилларини ўқитишни такомиллаштириш бўйича қўшимча чора-тадбирларга бағишланган меъерий-ҳуқуқий ҳужжатлар таълим соҳасига янада катта туртки бермоқда.

Марғилон шаҳридаги 6-сонли ўрта таълим мактаби немис тилини чуқур ўрганишга ихтисослаштирилган. Мактаб ўқувчилари, Шаҳар, вилоят ва республика олимпиадаларида ўз билимларини намойиш этиб, совринли ўринларни эгаллайдилар. Улар қаторида 11-синф ўқувчиси Ситора Иброҳимова деган бир қиз борки, унинг таълим йўналишида ўқувчи сифатида қўлга киритмаган ютуғи жуда кам. Хусусан, ўтган йили ноябрь ойида Тошкент шаҳрида Германиянинг Ўзбекистондаги элчихонаси томонидан аънавий тарзда ташкил этилган республика танловида қатнашди.

— Ситора бундай танловда биринчи марта иштирок этаётгани йўқ, — дейди устози Ленура Гафарова. — Аксинча, 7 синф ўқувчиси сифатида у “Югенд” дипломини қўлга киритди. Шу йили бугун Ўзбекистондан келган 60 та иштирокчи орасида учинчи ўринга муносиб кўрилди. Немис тилида ифодали ўқиш ва савол-

ларга жавоб бериш бўйича танловдан муваффақиятли ўтди. Бунинг натижасида Ситорага Германия Республикасининг Фавқулудда ва мухтор элчиси Гунтер Лео Оверфельд сертификат тақдим этди.


Ситора охириги марта Германиянинг Zentralstelle für das Auslandsschulwesen ZfA (Чет элдаги мактаблар учун марказ) томонидан ўтказилган “Usbekische SchülerInnen debattieren” 2020 танловида қатнашди. 16 нафар вилоятлардан иқтидорли ўқувчилар қатнашган мазкур танлов жорий йилнинг март ойида пойтахтимизда ўтказилди. Германиядан келган мутахассислар тонловнинг ҳаққонийлигини кузатиб боришди.

Халқаро баҳс-мунозаралар мусобақаси доирасида ўтган танлов якунида хорижий талабаларнинг таълимини ривожлантиришга қаратилган мукофот дастури Таълим алмашинуви хизмати томонидан эълон қилинган немис тили, таълим ва маданият ишлари вазирларининг доимий конференцияси (ПАД) аъзолари томонидан махсус сертификатлари топширилди.

**Ўзбекистон Республикасида Немис тили бўйича мутахассис маслаҳатчи ва ўқитувчи юбориш дастури координатори Барбара Дамболдг. Тошкент, 03.03.2020**

— Тил ўрганиш — дунёни таниш, билимлар олами калитларига эга бўлишнинг асосий омили, — дейди, Ситора. — Бундай танловлар асосида Германияда ўқишимга йўл очадиган Deutsches Sprachdiplom (немис тили дипломи)ни олишга умид қиламан. Келажакда таржимон бўлишни орзу қиламан. Иқтидор, истеъдод эгалари кўп. Фақат улар йўналишларини аниқ мўлжаллай олса бўлгани.

**Гулҳаё ҲУСАНОВА,**  
Фарғона.



### Кўз хасталикларини давоси

Агар оқ пиёзнинг сувини чиқариб кўзга суртилса шилпиклик қоронғу тушганда кўролмасликда фойда беради.

Агар кўзда бирор дард бўлса, кийик ўтини туйиб суркаш фойда беради. Кўздан сув оқиб қийналаётган одам эрта-лаб ва кечкурун кўзига сурма қўйса, бу дарддан фориг бўлади.

Ловияни ҳавончада янчиб

сурма каби кўзга суртсангиз, киприкнинг ичига ўшини йўқотади. Ловияни асал билан аралаштириб кўзга боғланса кўз милқларининг қизаришини ва шишини йўқотади.

Мойчечак (ромашка) гулидан сув олиб кўзга томизсангиз кўз оғриғи қолади. Лола сувидан кўзга томизилса, кўз оғриғини ва ярасини тузатади.

Ҳар ким саҳарда беш дона шолғом пишириб еса кўзи равшан бўлади.


**ЖАМИЯТ**  
Муассислар:  
Ўзбекистон Республикаси Президенти ҳузуридаги Давлат бошқаруви академияси.  
Ўзбекистон Нодавлат нотижорат ташкилотлари миллий ассоциацияси.  
Ўзбекистон Мустақил босма оммавий

ахборот воситалари ва ахборот агентликларини қўллаб-қувватлаш ва ривожлантириш жамоат фонди.  
Ўзбекистон Савдо-саноат палатаси.  
Тадбиркорлар ва ишбилармонлар ҳаракати — Ўзбекистон Либерал-демократик партияси.  
Ўзбекистон экологик ҳаракати.  
Ўзбекистон Республикаси Экология ва атроф-муҳитни муҳофаза қилиш давлат қўмитаси.

**Бош муҳаррир**  
Мақсуд ЖОНИХОНОВ  
**Таҳрир хайъати:**  
Рустам Комилов  
Борий Алихонов  
Акмал Саидов  
Раҳмат Маматов  
Нуриддин Убайдуллаев  
(Бош муҳаррир ўринбосари)  
Ақтам Ҳайитов  
Адҳам Икромов

Газета таҳририятнинг компьютер бўлимида саҳифаланди.  
“Шарқ” нашриёт-матбаа акциядорлик компанияси босмахонасида чоп этилди.  
Манзил: Буюк Турон кўчаси 41.  
Буюртма рақами Г-1014 Адади: 1052.  
Жума куни чиқади.  
Қоғоз бичими А-3, ҳажми 2 босма табоқ.  
Баҳоси келишилган нарҳда.  
Газета Ўзбекистон матбуот ва ахборот агентлигида 2006 йил 0010-рақам билан рўйхатга олинган.  
**ISSN 2010-7722**

**Навбатчи:** Маъсуда Ёқубова  
**Дизайнер:** Бегали Эшонқулов  
100000, Тошкент шаҳри Матбуотчилар кўчаси 32.  
Маълумот учун телефонлар: (71) 233-72-77, 233-91-55  
Реклама ва эълонлар учун: Электрон почта: jamiyat@mail.ru  
Газета индекси — 131  
“ЖАМИЯТ”дан олинган маълумотларда манба сифатида газета номи кўрсатилиши шарт.  
ЎЗА якуни:  
Топширилган вақти: 18:05  
1 2 3 4 5 6



Электр қурилмаларининг техника хавфсизлиги кучайтирилади.



# “Микрокредитбанк”

## янги режалар ташаббускори

**БИЛАСИЗ, БАНК-МОЛИЯ СОҲАСИНИ ИСЛОҲ ҚИЛИШ МАМЛАКАТ РАВНАҚИ ВА АҲОЛИ ФАРОВОНЛИГИНИ ТАЪМИНЛАШДА МУҲИМ ОМИЛ ҲИСОБЛАНАДИ. БУНИНГ ОДДИЙГИНА САБАБИ ЭСА МАЗКУР ТИЗИМДАГИ ЎЗГАРИШЛАР, АВВАЛО, МИЖОЗЛАР ЭҲТИЁЖИНИ ҚОНДИРИШ, ҚОЛАВЕРСА, БУГУНГИ ЖАРАЁНЛАР БИЛАН БЕВОСИТА БОҒЛИҚДИР.**

**Бу борада “Микрокредитбанк” ҳам юрт ривожига ўзининг муносиб ҳиссасини қўшиб келаётган илғор молия муассасаларидан ҳисобланади. Банк фаоллари томонидан ўтказилган матбуот анжуманида соҳада олиб борилаётган ишлар юзасидан фикр алмашилди. Тадбиркорликни молиявий қўллаб-қувватлаш борасида олиб борилаётган ишлар хусусида сўз борди.**

кредитлаш департаменти директори Абдумажид Сафаров тадбиркорликни ривожлантиришда чакана кредитларнинг ўрни бўйича батафсил маълумот берди.

Тадбирда қайд этилганидек, “Микрокредитбанк” акциядорлик-тижорат банки юртимиздаги жадал ривожланиб бораётган, аҳолига барча турдаги банк хизматларини тақдим этиб келаётган банклардан бири. Банк томонидан карантин бўлишига қарамадан, 2020 йилнинг январь-сентябрь ойлари давомида фуқароларни банк кредитларидан фойдаланишни соддалаштириш ҳамда қулай шарт-шароитлар яратиш орқали уларнинг турмуш даражасини ошириш мақсадида бир қанча янги кредит турлари ва хизматлар амалиётга жорий этилди. 2020 йилнинг январь-сентябрь ойларида **108 594 нафар жисмоний шахсга жами 1 триллион 338 млрд. сўм кредитлар ажратилди.**

Шундан, 77 037 нафар фуқарога 745,6 млрд.сўм чакана кредитлар (Автокредит 131,0 млрд.сўм, истеъмол 190,5 млрд.сўм, микроқарз 357,6 млрд.сўм, овердрафт 10,7 млрд.сўм, 40,0

млрд.сўмлик онлайн микроқарз, таълим кредити 2,7 млрд.сўм, ипотека кредитлари 53,0 млрд.сўм) ажратилди.

— Худудларда банкка бириктирилган маҳаллалардаги кам таъминланган аҳоли, яъни “темир дафтар”га киритилган, кредитга эҳтиёжи мавжуд жами 5 830 нафар фуқарога 59,5 млрд.сўм имтиёзли кредитлар ажратилди, — дейди банкнинг кредит фаолиятини ташкил қилиш департаменти директори ўринбосари Фолибжон Саноев. — **Бундан ташқари**, банкнинг “МКВ Mobile” мобил иловаси орқали миждоз ўз мобил телефонида 1 ойдан 3

ой муддатгача фойдаланишни назарда тутувчи онлайн-микроқарз жорий қилиниши натижасида 2020 йил 9 ойи давомида 40,0 млрд. сўм кредит ажратилди. 2019 йил мос даврида 8,8 млрд.сўм берилган эди.

Банк томонидан кредитлар ажратишнинг янги **Андеррайтинг тизими ишга туширилди.** Аввалгидан фарқи кредит ажратилиш босқичи 5 босқичдан 2 тага, ҳужжатлар сони 15 тадан 3 тага, кредитни кўриб чиқиш муддатлари 10 кундан 1 кунга қисқартирилишига эришилди. Ушбу кредит тури бўйича 2873 та миждозга 20,5 млрд. сўм кредит ажратилди.

**Шунингдек, “МКВ-mobile” иловаси орқали ҳеч қандай ҳужжатларсиз, банкка келмасдан туриб электрон тарзда олинган онлайн-истеъмол кредити жорий қилинди.**

2020 йилнинг 9 ой давомида барча йўналишларда тадбиркорлик субъектларига 3,5 трлн.сўм кредит ажратилиб, ушбу кўрсаткич (1,4 трлн.сўм) ўтган йилга нисбатан 2,1 трлн.сўмга ёки 250,0 фоизга ошди. “Ҳар бир оила — тадбиркор” дастури доирасида жорий йил 9 ой давомида 33 497 та аҳоли ва тадбиркорлик субъектларига 879,1 млрд. сўм имтиёзли кредитлар ажратилди. Фермер, деҳқон хўжаликлари ва томорқа ер эгаларига қўмаклашиш давлат жамғармасидан 21,8 млрд сўмлик кредит линияси жалб қилиниб, тадбиркорлик фаолияти билан шуғулланиш ташаббусида бўлган жисмоний шахсларга 2020 йил давомида жами 581 та аҳоли хонадонларига 18,3 млрд сўм миқдорида имтиёзли кредитлар берилди. “Хотин-қизларни ва оилани қўллаб-қувватлаш жамоат фонди”дан жалб қилинган 25 млрд сўмлик маблағ ҳисобидан 848 нафар тадбиркор аёлларга 21,0 млрд.сўм миқдорида кредитлар ажратилди. Бундан ташқари, мазкур ишлар давоми сифатида 2020 йил охирига қадар ижтимоий дастурлар доирасида 252,3 млрд.

сўмлик имтиёзли кредитлар бериш кўзда тутилган.

Йиғилиш ташкилотчиларининг айтишича, юқорида амалга оширилган ишлардан ташқари, 2020 йил охирига қадар бажарилиши лозим бўлган устувор вазифалар ҳам босқичма-босқич белгилаб олинган:

1) Ўзбекистон Республикаси Президентининг қуёнчилик соҳасини ривожлантириш бўйича янги қароридан белгиланган вазифаларни амалга ошириш ва 2020 йил давомида қуёнлар сонини вилоятларда 1 млн. бошга, республика бўйича 5 млн. бошга етказиш етказилиши таъминлаш, шунингдек, қуёнчилик соҳасидаги хўжалик юритувчи субъектлар ва кластерларни иш фаолиятини тизимли ташкил қилиш;

2) 2020 йил охирига қадар барча маблағлар ҳисобидан тадбиркорлик субъектларига жами 4 059 млрд.сўм кредит ажратиш ва 19 000 та янги ўринлари ташкил этиш.

3) 2020 йил давомида амалга ошириши белгиланган 105 та лойиҳага 477,5 млрд.сўм миқдорида кредитлар ажратиш ва лойиҳани ишга тушириш чораларини кўриш;

4) Кичик бизнес субъектларига онлайн скоринг тизими орқали кредит ажратишни амалиётга тўлиқ татбиқ этиш ва уларнинг салмоғини ошириб бориш;

5) Дастлаб жорий йилнинг 4 чораги охирига қадар банкнинг намунали филиалларда андеррайтерлар хизматидан фойдаланган ҳолда (Кредит комиссиялари қарорисиз) кредитлар ажратишни жорий қилиш ва самарадорлигини баҳолаган ҳолда барча филиалларда ташкил қилиш каби қатор мақсадлар режалаштирилган.

Матбуот анжумани давомида “Микрокредитбанк” масъул ходимлари банкнинг истиқболдаги қўшимча режа ва мақсадларини таъкидлаб, журналистлар томонидан берилган саволларга атрофлича жавоб берди.


**Нуриддин УБАЙДУЛЛАЕВ,**  
“Жамият” мухбири



“Микрокредитбанк” АТБ бошқаруви раисининг биринчи ўринбосари Тўлқин Атамуродов банк томонидан юридик ва жисмоний шахсларнинг тадбиркорлик фаолиятини молиявий қўллаб-қувватлаш борасида олиб борилаётган ишлар хусусида қисқача тўхталиб ўтди. Кредит фаолиятини ташкил қилиш департаменти директори ўринбосари Фолибжон Саноев кичик бизнес ҳамда хусусий тадбиркорликни ривожлантиришда “Микрокредитбанк” томонидан ўтган 9 ой давомида амалга оширилган, шунингдек, бажарилиши режалаштирилган ишлар юзасидан, Чакана

НОЛБЭ

Жумаев Мирзоҳид Абдусалом ўғлига 2019 йилда Тошкент Давлат Аграр университети томонидан берилган В.№ 1037303 рақамли бакалавр дипломи йўқолгани сабабли БЕКОР ҚИЛИНАДИ.



“Ўзбекистоннинг АКТ-шарҳловчиси” миллий танлови бошланди.